

Erscheint einmal jährlich Fr. 6.--

69. Jahrgang 20. Februar 2023

DER LICHTLÖSCHER

OFFIZIELLES ORGAN DER LICHTLÖSCHERZUNFT IMMENSEE

POLITISCH, MATERIELL UND FINANZIELL UNABHÄNGIGE, BEINAHE WAHRHEITSGETREUE LOKALPOLITISCHE IMMENSEER CHRONIK

Zunftmutter Ernas Motto:
Jetzt erscht rächt!



Einsamer Chlausjäger

Der zuweilen amtierende Zunftvater Toni
- es goht scho fascht nümme „ohni“.
In der bisher längsten Amtsperiode bleibt,
wie die Geschichte der Lichtlöscher schreibt.

Allen äusseren Einflüssen zum Trotz - so gehts
zieht er seine Sache durch - stets.
So auch das 6i-Umzügli im Jahre 2020,
Läuft er alleine - natürlich s'„ganzig“.

Kommt er wohl noch in den Genuss einer Mehlsuppe?
So ganz alleine, ohne seine „Truppe“...
Sicher gibt es aber nachher einen feinen Espresso.
Den er dann aber geniessen muss „à la maison“.



Pneuechsel - oder doch nicht?

D'Erna isch immer flott mit em Beetle onderwägs,
drum tuet mer Pneu wächsle im Herbscht!
Mer wett ja d'Winterpneu uufzieh la,
drum muess mer zum Toni is Driver-Center gah.
Vorhär mues mer die Pneu i Beetle verlade,
die hed sie dehei und nid bim Toni im Lager.
Det acho tüends nit schlächt stuune,
D'Summerpneu im Kofferruum,
die cha sie dehei grad wieder verrume.

Schuelverlegig mit Bonuszyt

Wenn d'Schüeler sind ide 5./6. Klass
Geds ä Schulverlegig is Jura, ganz krass!
Diä Verlegig tuäd durä ganzi drüü Täg.
Am Friitig händ's häi wellä mit äm Bus uf schnellstem Wäg.
Unterhalb vom Creux du Van macht dä Car no Rascht,
Und überseht bim Cherä grad ä Ascht.
Bim Bus links ganz hinnä
Heds jetzt kei ganzi Schiibä meh dinnä.
Mit sonärä wildä Schüeler-Schar
Darf mer so ned Fahre, das isch Wahr.
Nach einigem hie und här
isch de d'Lösing ned so schwär.
Mit Folie und Chläbeband
wird baschtlat ä Notfallwand.
Well d Foliä flateret im Wend
Isch äs luut im Car, trotz müedä Chend.
Secher, hungrig, glücklich und meh als zwio Schtund z' spaat
Dä Car de bi dä Führwehr stah.

Leerplan 21

WIER ALE LÄRNEN
JEZ IN DER
SCHUHLE AUHCH
ÄNGLISCH UHND
VRANZÖSISCH, WEIHL
DOITSCH KÖNEN
WIER SCHÖHN!

Restaurant

Schwert



Immensee

Interview mit Zunftmutter Erna

Alter: im bruefstätige Alter - 7 Jahr vor de Pensionierig

Dehei: Untereichli 2, Immer-am-See

Ufgwachse: Immer-am-See

Stärnzeiche: Kräbs

Kinder: 6 Gottichind

Ausbildung: Pflegewissenschaftlerin

Bruef: Berufsschullehrerin für angehende Pflegefachkräfte

Aktivitäten in Immensee:

s Mami verwöhne, Velofahre, Sanitätsdienscht am Bierfäscht

Aktivitäten Überregional:

Samariterverein, Skifahre

Aktivitätä International:

Reise und d' Wält entdecke

Lieblingsdestinatione:

Japan und d' Südsee

Hobbys: Mare et Monti

(Tauchen, Wandern, Skifahren)

Lieblingsessen: Älpler-maggeronä, d' Öpfelchüechli vom Mami

Lieblingsgetränk:

Öpfelshorly

Charakter: ufgstellt und luschtig

Huustier: wenn, den ä Chatz

Lieblingsfarb: Pinkigi Tön und Rosa

Was zeichnet Dich us: Freud a de Fasnacht, Freud und Interässi a üsem Bruchtum, Organisationstalänt, Verantwortig überneh

Was sie gar nid mag:

Unzueverlässigkeit, ungrächts

Verhalte andere gägenüber

Was sie ganz fest mag:

Dokumentatione über d' Natur und fremdi Länder und verusse d' Natur gniesse

Öpis speziells vo de Fasnacht:

E riiesigi Freud, dass es nach 2 Jahr Pause ändlich wieder losgeht



Was Du scho lang wetsch: Es

Wohnmobil zum flexible Reise und e chli meh Freiziit

Din ersti Bruefswunsch: Lehrerin

S'erste Auto: en VW-Golf

aktuell's Auto: VW-Beetle



Lieblingsausflug: Ticino, Venedig und überall hi wos Wasser und Bärge het (also wieder "Mare et Monti")

Lieblingsmusik: klassisch

Was man sonst noch über Dich wissen

muss: Freue mich, dä Summer

zum zwoite Mal es paar Etappe vom Jakobswäg abzwandere.



Zunftmuetterlied:

Refrain

Miär singid Erna, Erna, Erna, es isch so wunderbar,
für d'Immiseer Fasnacht bisch du dä Superstar.
Miär singid Erna, Erna, Erna, dis Lache steckt üs aa,
drum wemmers alli zäme, mit diär hütt luschtig ha.

1. Strophe

Scho i dine junge Jahre hesch du so vill Länder gseh,
drümal um d'Wält, all Kontinäntä und glich gits nu so vill meh.
Tuesch du einisch nömmä schaffä, reisch du mit ganz vill Stil,
ä Traum wird wahr äs gid äs hellblaus Wohnmobil.



3. Strophe

S'Aschenbrödel riitet ufäm Ross mit ganz vill Wind im Haar,
so wiä du im WV Beetle, so isch s'Läbe wunderbar.
D'Friiheit gspürsch du au bim Tauche, viele Fisch chasch dettä gseh,
chund ä Delfin z'schwimme wettsch du gar nid meh.

gesungen von den Immenseer
Schulkindern,
nach dem Lied „Das alte Haus von Rocky
Docky“ von Bruce Low.
Text: Brettmaler/Del
Torro/Lakeground



2. Strophe

Buckelpiste, Tüf Schnee fahre, dett bisch du es riesä Ass,
mit dä Immiseer Schuelchind hesch du gha ä grossä Spass.
Stund um Stund tuesch gäre wandre, jede Gipfel isch debii,
chund äs Bänkli schlafsch du ruhig und selig ii.



4. Strophe

Isch äs Usflugstüürli planed nimmt dä Cornel s'Rännvelo,
und scho nach dä erste Kurve isch är wiit wäg und devo.
Doch das tued dich gar nid stressä leisch dä Helm nu i Rueh aa,
mit em Flyer düüsisch locker hinnäna.

Die gute Küchenfee

Während Leandra Notter die gute Fee vom Haushalt ist,
ihr Bruder Remo sämtliche Hausarbeiten einfach vergisst.
So geht das doch nicht weiter, denkt Leandra sich
und sie schwört sich zu rächen ganz bitterlich.

Während Bruder Remo von der Erholung zuhause träumt,
„die Fee“ das schmutzige Geschirr in sein Zimmer räumt.
Nichtsahnend kommt er dann von der Arbeit nach Haus'
blitzblank und aufgeräumt, sieht es da in der Küche aus.
Also ab ins Zimmer zum Relaxen, das denkt er sich,
er öffnet die Tür und erschrickt ganz fürchterlich.
Was ist denn bloss in seinem Zimmer geschehen?
Überfüllt mit dreckigem Geschirr, kaum Platz zum Stehen.

Er hat die Rechnung ohne Leandra gemacht,
die sich wohl jetzt gerade ins Fäustchen lacht.

Februar statt März

Am Nachtumzug in Wattwil
machid sie au mit,
das isch immer luschtig und de Hit.

Mit em Zug ganz gmüetlich,
das isch jo nid so wiit,
denn sind's denn am Abig det zur
richtiger Ziit

Aber es E-Mail vo de Chrumbach-Häxe
Wattwil hed sie denn stutzig g'macht
so richtig lustig, hend sie's immer,
das wär ja glacht.

D'Rigilüüt hend no welle s'Gsicht wahre,
die hättid am 04. Februar
und nid am 4. März selle ifahre.



VICTORINOX

Stiftung Carl und Elise Elsener

Das grosse Revival

Die Kinderdisco kommt wieder!



tüüri Suppähühner

Isch sini Frau im Spital,
das isch für ihn ganz brutal.
Sie dued sich um ihri Gsundheit sorge,
seit zu ihm due mer zwei Suppe-Hühner bsorge.
"Ich go in Aldi", chund ihm in Sinn,
und hed au schnell zwei Suppe-Hühner im Ichaufswage drin.
Eis isch sogar zum halbe Pris agschriebe,
de Aldi isch halt günstig, das isch nid übertriebe.
Bio-Hühner us Österich, nei aber nei,
das hilft den mim Schätzli schnell wieder uf d'Bei.
De Pius dued jo gar nüd reue,
aber de Pris a de Kasse dued ihn nid erfreue.
27.- und 37.- Franke düend die Hühner choste,
de Strickler seid, do inne chum ich sicher nümme go Poste.

Das Wandern ist des Ernas Lust

Die Erna wandert auf dem Jakobsweg, vom Wetter nicht gesegnet
wandert und wandert auch wenn es Katzen regnet.

Pitschnass kommt sie in der Herberge an
freut sich über Käs und Brot und ein Bett am Rand.

Ohne GPS und Handy geht es heute gar nicht mehr
auch wenn es Erna ohne Handy lieber wär.

Da steht sie für eine Verschnaufpause auf einer Brücke
geniesst das Wasserrauschen und die Lärmlücke.

Beim Weiterwandern stellt sie fest:
"ohgott mein Handy ist weg" !

Sie geht zurück zur Brücke und...

sieht ihr Handy darunter in einer Schilflücke

Sie bückt sich weit übers Geländer hinaus

Als ein anderer Wanderer ruft: tu das nicht, es ist noch nicht alles aus.

Mit viel Kraft und Müh klettert sie den Hang hinunter,
findet ihr Handy unbeschädigt und wandert weiter munter.



Tierischi Usziit

D'Anna Ehrler tued mit Rösser therapiere,
die bruchid nachhär en Uusziit und gönd elei ga spaziere.
Nach langem sueche, d'Anna macht fascht e Spagat,
stönd d'Rössli entspannt im hindere Chieme zum abhole parat.

Au ihri Hünd Amy & Laika gönd gärn go d'Omgäbig inspiziere,
drum chas sie, dass sie am See ohni Begleitig tüend spazierä.

zwei Chläuse i de Hohle Gasse

Bi de Hohle Gass-Kapälle rüefid d'Immenseer Chend,
dass de Samichlaus chund usem Wald ganz gschwind.

Sie rüeffed:

SAMICHLAUS, SAMICHLAUS MIR SIND DA!!

De Küssnachter Chlaus aber scho lang bim
Picknickplatz tued stah.



Schnupftabak

Mängs Jahr isch de Kari im Vorstand und als
Präsi be de Chausegesellschaft gsii.
Bim Schnupfe aber het är immer en Usred
gha zum flie!

A de GV het är jetzt alli Ämtli nedergleit,
sini Gspändli stönd i de Startlöcher bereit.

Die Chance tüemer jetzt grad packe,
är muess mit em Vorstand eis
Schnupftabakä!

Kari, mängs Jahr bisch du üse Präsi gsii
aber bim Schnupfe nie debii!
Hüt Abig chasch nid flie,
drum tüemer jetzt eine ufäzieh!
Priiiiis!

Mer tüend im Kari au no Dankä säge,
für all die Jahr wo Du im Vorstand gsi besch
ond öppe mängs luschtigs erläbt hesch.
D'Liechtlöschler wünschid Dir für
d'Zuekunft nur s'Bescht!

Haltestellen Wirr-Warr

Ach wie schön ist sie jedes Jahr - die Vorfreude auf den Chlaustag.
Auch dem Reto Zimmermann, sieht man die Vorfreude an.
Natürlich tut ein echter Chlausjäger auch die GV nicht verpassen.
bevor dann am Chlaustag gezogen wird durch die Gassen.

Nach der Chlausen GV wird es natürlich immer sehr spät
Ach wie gut, dass da der Bus schon parat steht.
Einsteigen und los geht die Fahrt - in Richtung Weggis oh jeh.
der Reto muss aber doch eigentlich nach Immensee.

Doch Reto sagt sich: einfach nicht verzagen -
ich werde doch den Buschauffeur Fredy Fuchs fragen.
Dieser lässt ihn lachend an einer „Sonderhaltestelle“ raus,
Ende gut - alles gut - und Reto kommt gut nach Haus'.

Männermode-Spezialistin

Mer kännid en Frau,
die kânt Herremodeabteilige ganz genau.
Ihres Mandli isch schlank und fit,
sie hed gmacht alli Kleidergrössene mit.
S' Kaiser Vreni häd en Orde verdient,
dass sie ihre Ma immer so sportlich,
aktuell mit neue Kleider bedient.



Seerestaurant
zum Schlüssel

Landliebe


Am Ehrler Mänzi siini
Dahomey-Chue entzückt,
des Gisler's Rolf sii Longhorn-Stier
dä die Chue ganz gärn beglückt!

Kei Ahnig öbs isch en Hit
und äs e nüüi Rinderrasse git?

Nei, mer nänd üch nid ufs Chorn,
wenigstens gits wieder einisch
es Rindvieh mit Horn!

Tierischi Reiseverzögerig

Dä Coiffeur Reto, d'Frau und d'Chend
wänd id Feriä fahrä gwschend.
Bevors de los geht Richtig Elba,
dä Schwiegermuätter no Tschau sägä, set ja schnell gah.
Dä Bus parkiert mer uf äm Platz,
chund dä Hund vo dä schwerige Muätter,
eigentlich ä liäbä Schatz.
Doch dasmal benimmter sich ganz gstört,
spring vors Auto, bällt ganz unerhört.
Da cha doch öpis ned Stimmä,
De Hund isch nüm bi Sinnä.
Zur Sicherheit wird jetzt dä Motor inspiziert,
da doch glatt ä Marder wägspaziert.
Jetzt fangt di chäibä Arbet ah,
dass pelzige Viich, das muäss mer faa.
Jetzt wird Verchleidig abbaut zum findä sis Verschteck,
Chum gseht mer nä, wächslet er d'Siitä, oh Schreck.
All Versteck freiglät wird dä Bus id Garage innä gstellt,
und zur Beruhigig bi dä Schwegermuätter äs Kaffi bstellt.
Bim Kaffi dued mer um die Reis de bangä,
doch nach dem Stress isch dä Marder usäm Auto gangä.
So, jetzt cha Startä d'Reis nach Elba
Ohni Marder münds jetzt schnell gah.



de Quängli

Einmal mehr in den Schlagzeilen: Remo Notter
Weg von der Trompete an die Pauke das „wott er“.
Ob er seinen Willen bei den Immogeistern durchsetzen kann?
Man siehts bei der ersten Probe - da fängt er mit der Pauke an.

Doch war ihm die Pauke danach doch zu schwierig offenbar.
oder allenfalls zu schwer - keiner weiss so genau wies war.
Trifft man ihn heute an der Fasnacht an - man höre und staune.
Spielt er die Trompete und dies bei allerbesten Laune.



Aldi Kinder-Boxen

Tüend der Dini Chind wieder mal so
richtig uf d'Närve gah,
muesch de Chopf nid hange lah!

Bim Aldi hends, es isch kei Hohn,
"Chinder-Ufbewahrigs-Boxe" in Aktion!

Ufklappe, Chind dri, Deckel zue,
ändlich hesch Du Dini Rueh!



FDP Schwyz im Grössewahn

FDP Schwyz will wiederum in die Presse und ganz gross raus und ist mit folgendem Vorschlag auf Schlagzeilen aus: Pfäffikon muss eine direkte Strassenanbindung haben zum Kantonshauptort Schwyz, versteht sich ohne Fragen.

Da dies mittels eines Tunnels von 19.5 km Länge geschehen soll, wäre es sogleich auch der längste Tunnel der Welt - das ist doch toll.

Würde dieses Jahrtausend-Bau-Projekt umgesetzt, ja dann einen Teil der Investitionen in Zürich holen könnte man.

Denn die könnten dann auf den Hirzel-Tunnel verzichten, was man wiederum würde in der Presse berichten.

Das natürlich ist ja purer Grössewahn hoch zwei doch da ist ja die FDP Schwyz immer dabei...




Bild: PilatusToday.ch

FG Chalberwanz

- Digital -
nid so ideal

Kapitel 1



Im Facebook muesch immer aktiv si,
dass bi de Lüüt bisch debii.

Mier sägid üch eis, und das isch nid gloge,
bi dere Siite muesch die immer neu iiloge.

Do chönnt no mänge de Bode Küsse,
wenn du d` Login Date nümm duesch wüsse.

De Vorstand vom Chalberschwanz hed en neu FB Siite müesse kre iere,
damit d` Fründe nid uf en alti Siite müend Stierä

Mir gäbid euch en Tip und das wär toll,
nämid das Login uf is neue Vorstandssitzigs- Protokoll.



Kapitel 2

Üsi Touriste wend vo Küsnacht gseh,
D` Rigi, Seepromenade und s` Herz am See.

D` Fasnachtsgesellschaft und das isch de Hit,
die möchid doch tatsächlich ihri
Internetsiite mi emene frömde See fit.

Wie cha das passierä,
das ihr s` Salzburgerland statt üses
schöne Küsnacht düend presentierä.



Kapitel 3

De Lichtlöscher isch au scho im Chalberschwanz cho,
sie hend g` funde de Lichtlöscher hed es durenand,
mit Fraue und Manne und allerhand.

Es isch kompliziert niemer chas Verstoh,
jetzt hed de Dominik Schwegler s` Amt vonere
Aktuarin überno.

Isch doch glich ob Frau oder Ma,
gueti Arbet hed er bis jetzt immer gleischtet gha.

Speisekarten-Philosophie

Heutzutage muss man schon gewaltig aufpassen,
um nicht zu verletzen z.B. die Geschlechter oder die Rassen.
Verspeist du im Restaurant Schnitzel aller Art ohne Bedenken.
da müssen wir dir jetzt einmal „reinen Wein“ einschenken.

Poulet-, Schweins- und Kalbsschnitzel da tut niemand „studieren“,
Es ist auch das klassische Wiener-Schnitzel – das alle tolerieren.
Doch beim Zigeunerschnitzel, da wirds langsam kritisch.
Da störs die einen ethisch und die anderen politisch.

Und wenn wir jetzt gerade beim „Studieren“ sind.
Schauen wir auf die Speisekarte des Alpenhof geschwind.
Man fragt sich: tut sich denn niemand schämen
Als Hauptgang ein **Kinderschnitzel** zu nehmen.

Die Antwort darauf lautet natürlich: Nein, nein
und dazu trinken wir noch gemütlich einen Wein.
Da darfs dann ein Spanier, Franzose oder gar ein Italiener sein ...
es stört nämlich überhaupt kein ...Sch...



Alles kontrolliert?

Wenn du wotsch es Reisli mache,
muesch luege das ihr, zäme händ alli Sache.

Uf Ägypte go Bade, dass hed müesse si,
sie hend sogar Chind und Kegel debi.

Päss dued sie kontrolliere,
aber debi nid vil studiere.

Kurz vor de Abreis stellt sie fescht,
min Pass lauft no uf min ledig Name Tresch.
En Notfallpass hed s`Esti grettet us de Not.
D` Schybig, wenn sie dra denkt, wird hüt no rot.



Neuwahlen während den Ferien

Er dued bi de Ibürgerigs- Behörde sitze,
aber wenn er d` Nämme vo de neue Bezirksrät mues näne,
chund er schön is Schwitze.

Eine wo sich wott lo Ibürgere lo, mues alli Bezirksrät känne.
"Düend si mir doch alli Nämme näne."

Er zählt alli uf wies mues si,
und seid "de Schuler Toni isch au no debii".

Monsieur Jeanmaire macht grossi Auge, kännt de Name nid,
Das isch doch keis Bezirksratmitglied.

Wenn de Philippe in Thailand 4 Woche dued s` Füdli im Meer schwänke,
chammer natürlich nid a Bezirksrats - Wahle danke.

PROGRAMM GÜDELDIENSTAG 21.02.23

08.00	Tagwach Dorfplatz - Guggen
08.30	z'Morge mit Zunftoberhaupt durchgehend Kaffistube Feuerwehr
ab 13.00	Umzug Teilnehmer Besammlung Bahnhof Immensee
	Umzugsroute: Bhf Immensee – Bethlehmen – Eichlistrasse – Dorfplatz Immensee
ab 13.30	Barbetrieb Dorfplatz
14.00	Start Umzug Bahnhof I'see
ca 15.30	Ankunft Umzug Dorf / Kinderfasnacht
ab 16.00	Guggenspiel / Kindermaskenprämierung
ca 21.30	Abschlusskonzert – Guggen
xx.xx	„Lichterlöschen“ Zunft

Weiter Arbeitsweg

Wer wohnt am nöchschtä am Chindergartä?
Ihres Auto stahnt doch sältä dihäi im Gartä.

Well d'Frau Karin immer isch im Schuss,
Fahrt sie ab, sobald isch Schluss.

De isch dä Parkplatz vor em Chindergartä
Vell nöcher als dä Wäg zum schönä Gartä!

Quartierübersicht im WWW

S'Untereichli-Quartier tuet im Internet
mitere Websiite Werbig mache,
es isch aber fascht e chli zum Lache.
Wemmer sich scho mit de tollschte Bewohner
tuet profilierä,
sett mer d'Homepage zumindest stetig
aktualisierä
und de Zunftmuetter Erna zu ihrem Ehreamt
gratulierä

Zur Morgenstund

D'Anica und dä pensionierti Herbert,
gönd am Morgä wit verbi am Schwert.
Im Chiemä düänd sii jedä Morgä äs stündigs Tüürli mache.
Mitti Dezember münds de scho mal lachä.
Wo sie nachem Tüürli zrug im Dorf send,
luegäds uf d'Uhr vo dä Chelä gschwend.
Was zeiged de diä Zäiger ah?
Mer sind ja ä ganzi Stund z'frühä draa!
D'Gloggästüürig hed mer überholt,
drum hed d'Cheläloggä am Sächsi statt am Sibni bollt.

Nüi Fassade

Muesch e nüüi Fassadä ha am Huus,
lütisch im Ehrler Mänz a,
dä chunnt druus.

En Ast vom Baum schniide,
das cha da Mänz, das wär ja glacht,
nur de Ast isch länger als gedacht
und id Huusmuur ine kracht!

Jezt mues halt de Maler Sidler au no cho,
d'Chöste het sicher d'Allianz übernoh.



Tor zue

Id d'Avia gaht de Burli Wisel gärn eis ga ha
de Töff laht är de bim Steiner ufem Areal la stah
Wie's eso esch, mer nimmt eis, zwei
vergesst die Ziit, jo heieiei

Verhöckled, chund usä und will hei,
s'Tor isch zue, er stuened ned schlächt
de Töff det enne, was för es Päch.

Zum Glück het är zwoi gsundi Bei,
jetzt mues er halt mol z'Fuess hei.



Fritiere muss glehrt sii

D'Nüüuniformierig vo dä Musig isch äs grosses Fäscht,
de blibt chum eine dihei im Näscht.
Ässä, trinkä, Musig losä,
das chasch wäg dä nüüä Jackä, Hämmlä, Gillet und Hosä
Doch d'Hälfer im Chuchizält,
diä sind no inere andre Wält.
D'Pommes Frittes sind ned vorfritiert,
Was bi ned wüssä i Matsch quittiert.
Doch nach Test und Instruktion vom KüSche Röbi,
werded de au Pommes Frittes Tippe Többl!

Nussis Schnorchel-T(r)ipp

Dä Nussi wot dä Wengel in Thailand go bsuechä,
und det au chli umäruechä.
Er freuit sich bim Schnorchlä z'gseh ganz velli Fisch
Macht bereit zum Packe alles uf äm Tisch.
Au sini Frau darf hälfe Koffrä z'füllä,
packt i s'Schnorchelset samt Hüllä.
In Thailand bemerkt dä Nussi, s'Schnorchlä hed sini Tückä,
Ehm werds fascht schlächt vom vellä Salzwasser schlückä.
So vell Wasser i dä Maskä und im Schnorchel cha doch ned sii,
ha ich ächt falschä Züüg debii?
Tja wenn bim packä alles geht chli gschwend
Landet im Koffär s'Schnorchelset vo de Chend

Zur richtigen Zeit am falschen Tag

Ja 's Ässe i de Hohle Gasse
isch super, wirklich grossi Klass.
So ladt de Chilerat all i,
wo gschaffed hend i de Pfarri.
D'Maria Fässler cha drum au
go ässe gah, die gueti Frau.
Am halbi siebni stah sie det,
will sie ja au vom Apéro wett.
Doch gli versteht sie d'Wält nümme ganz:
«Hie inne känn ich ja kei Schwanz.»
Da meint de Wirt: «Sie sind gar ziiitig,
denn 's Ässe, das isch erscht morn Friitig.»

Geburtsbaum

Es isch Sännechilbi das Jahr,
de Chlätterbaum wird gstellt, wie wunderbar.
Doch am Samstag morge, oh Schreck,
het öpper öppis verwächslet komplett!
Hanget tatsächlich e Geburtstafele det.
Liebi Sina, bes nid böse aber die muss weg,
am Sonntag chlätterids da um d'Wett.
Mer wönschid Dir trotzdem für dis Läbe,
viel Glück und Gsundheit uf allne Wäge.



Fasnachtsabzeichen 23



Wotsch z'Immisee a Umzug gah,
muesch au Du e Jubiläums-
Plakette ha!

Mit dem Kauf von Fasnachts-
Plaketten unterstützen Sie die
Immenseer Fasnachtskultur.

Wichtiger Hinweis: Umzugsroute

Liebe Fasnächtlerinnen und
Fasnächtler

Die neue Umzugsroute vom
2020 hat sich bewährt. Neu
ist der Umzug aber wieder
auf dem Dorfplatz zu Ende:

Einstehen / Start
Bahnhof

-

alte Post / Bijou

-

Bethlehem

-

alte Post / Bijou

-

Eichli

-

Dorfplatz

-

anschl. Dorfplatz- und
Beizenfasnacht

-

Kinderfasnacht mit
Kinder-Disco-Zelt

Immenseer Fasnachtsumzug

1. Hohlwass-Rassler - Titanic - Welcome on Board
2. Zunftmutter Erna mit Hudiwater Cornel
Weibel Toni & Hudiweibel Sumi
3. Kinderfasnacht Kunterbunt
Immenseer Lichtlöcher Kinder
4. Tränchoscht - 10 Jahre Generation Omega
5. Maskengruppe Rigilüüt
6. Die Zünftige - Ernas Märchen
7. Hasewürger - Wasserbändiger
8. Seeheimisch - Mexico: Dia de Muertos
Lebendiger als das Leben
9. Chäferfäscht - Cabriolet
10. Känsch diä? - Römer
11. FG Chalberschwanz
12. Hawaii - ab nach Hawaii
13. Abergläubisch
14. Apéro - Apéro Bar mit Spritz und Chic
15. Ehemaligi Hohlwassrassler - Wikinger
16. Immogeister - de DJ isch en Chabischopf
17. Erna's Bescherungswagen

Der Fasnachtsnachwuchs präsentiert sich der unter der
Umzugsnummer 3 - Kinderfasnacht Kunterbunt.

Nach dem Umzug findet auf dem Dorfplatz die Kinder-
Maske-Prämierung statt.

Leserreporter Lichtlöcher-Zeitung LLZ

Hesch öppis luschtigs gseh, ghört oder vernoh,

Muesch nid warte bis ändi Jahr.

Chasch es via Internet brichte,

mir tüends denn no gschwind dichte.

Mir tüend üsi Quelle nid verrate,

drum bricht üs doch, vo all dene Misse-Tate.



Der Zunftrat und die Lichtlöcherzunft Immensee
dankt allen Helferinnen und Helfern sowie den
Sponsoren, Spendern und Gönnern für Ihr
Engagement an und für die Fasnacht 2023!